

vincitur istud esse illis omnibus posterius. Quæcumque vero in hoc Arelatenſi nota insigniore digna sunt, ea in ipsis fontibus, unde manarunt, a nobis jam discussa sunt.

## CONCILIUM ANDEGAVENSE

Anni 453.

1. **A**ndegavum civitas Episcopalis est in Gallia Lugdunensi ad Ligerim fluvium sita, ad quam cum septem vicinarum civitatum Episcopi convenissent, & Thalassium electum Andegavensem (ut ex subscriptionibus Concilii Turonensis liquet) Episcopum confecerant, suis pariter in commune collatis decretis Ecclesiasticam collabantem disciplinam fulcire nisi sunt. Subest vero Andegavensis Ecclesia Turonensi Metropolitana. Celebrata Synodus hæc fuit Opilione V. CL. Consule, ann. Chr. 453. Leonis Papæ 13. Valentini III. Imperatoris 28.

2. Can. I. *Primum ut contra Episcopale judicium clericis non liceat proflere, neque inconsultis sacerdotibus secularia iudicia expetere. Sed nec de loco ad alium sine Episcopi permissione transire, nec sine commendatitii sacerdotum suorum litteris commorari.*

Vide superius Chalcedonenses canones 8. 9. & 20. Valentini III. qui tunc temporis in Occidente imperabat, Christiano Principi parum convenientem sanctionem promulgavit, qua sacros pestumdam Ecclesiæ canones, & divales Constantini Magni, nec non Theodosii Magni, & Caroli Magni, omni laude præcellentium Augustorum proculcans constitutiones, fori exceptionem Clericis abstulit, omnemque Ecclesiæ juris dicendi potestatem ademit extra solas de fide Catholica & religione questiones, solisque his exceptis voluit quascunque cujuscunque gradus Ecclesiasticas personas, ab Officialibus laicis judicari, exilis ingenii Princeps, nullaque virtutum laude commendabilis. Carolus Magnus hanc immunitatem Clericorum a secularibus iudiciis fancivit in suis Capitularibus lib. 6. cap. 303. & lib. 5. c. 390. Quæ require infra ad Sæculum VIII.

Can. VIII. *Monachi quoque, qui captam observationis viam relinquunt, & absque episcopis, & absque certis negotiis vel necessitatibus per regiones vagantur alienas, cognita distinctione si se non emendaverint, ab Abbatibus suis, vel a sacerdotibus ad communionem non recipiantur.* Vide superius Chalcedonensem can. 4.

Can. XI. *Non nisi unius uxoris viri, videmque virginibus copulati Diaconi vel Presbyteri ordinentur.* Vid. Apostolorum can. 17. & Arafican. primæ Synodi can. 25.

## CONCILIUM ARELATENSE III.

Anni a Christo 455.

1. **Q**uarto a Synodo Chalcedonensi anno, Christi que epochæ 455. sub Leone I. Papa, coegit istud Arelatenſe Concilium Ravennius Arelatæ Antistes, in causa Theodori Episcopi Forojulienſis, ad quem extat Leonis Pontificis epist. 82. alias 91. qui cum jurisdictionis aliquod officium in Lirinense Monasterium exequi vellet obſistente Abbate Fausto & Monachis, cum gravissimo scandalo repulſus est. Sidonius in carmine ad hunc ipsum Faustum, cum quo magna erat necessitudine conjunctus, scribit, eum Maximi bis extitisse successorem, primum in Abbatia Lirinensi, deinde in Episcopatu Regienſi. Faustus Semipelagianus dogmatis præcipuus fuit assertor, & propugnator, cujus libros eam ob causam Romana Synodus sub Gelasio Papa damnavit. Hujus ergo inter Theodorum & Faustum confictus occasione coactum istud Arelatenſe Concilium rogavit enixe Theodorum, ut Fausto ejusque Monachis offensam condonaret. Deinde ne posthac similia jurgia occurrerent, in hoc incubuit, ut Episcopi & Abbatis jura discernerentur, ne horum ignorantia rixæ fopitæ aliquando recrudescerent.

2. Statuitur ergo, ut Monachi Lirinenses a nullo alio Episcopo præter Theodorum ejusque successores militiæ Clericali aut Ecclesiasticis Ordinibus ascribi possent. Ut ab eo solo monasterium christina requiratur. Confirmationis etiam Sacramentum monachi suscipiant, aut ab eo cui permiserit, sacrum illud signaculum eis conferre. Ut nulli peregrini Clerici absque ejus arbitrio ad communionem, vel ad sacrum ministerium ad-

mittantur. Laici porro monachi ad solam Abbatis directionem regimenque pertineant: nec eorum quemquam Episcopus ad Clerum Ordineve Ecclesiasticos promoveat, nisi Abbate id postulante. Require superius canon. 4. Chalcedonensem cum ibi adnotatis: quibus & ista, quæ sequuntur, visum est adſicere. Veterum etiam Monachorum sub Episcopis subſectio non tantum decernitur canone illo 4. aliisque ibidem congestis testimoniis, verum etiam Adriani Papæ II. epist. 27. ad Carolum Calvum Francorum Regem: *Omne (inquit) monasterium in potestate Episcopi consistere debet juxta canonicam auctoritatem. Et quia hoc est transgressum, ideo plurima monasteria habentur destructa.* Quod idem iisdem verbis repetit epist. 30. ad eundem Regem. Concilii præterea primi Aurelianensis canon 21. statuit, Abbates subesse Episcoporum auctoritati ac potestati: & si quid deliquerint, ab iis esse corrigendos. Ista vero non ideo a me adducuntur, ut exemptionibus obſtam, quas posterioribus sæculis Regularia a suprema Sede impetrarunt: Sed ut meum prosequar toto hoc Opere institutum, veteres Ecclesiæ ritus & canones indagandi, ut dignoscant Lectores, qualis fuerit successu temporum multis in rebus Ecclesiæ ordo ac disciplina. Quoniam vero acriter dicebatur utramque in partem quatenus pertingerent Regularium immunitates, quum isti eas ultra præscriptos limites proferrent, has singillatim controversias diremit, definitque accuratissime Gregorii Papæ XV. constitutio, quæ incipit, *Inferabili*, ad quam ut normam inviolabilem subsequentes Summi Pontifices Urbanus VIII. Innocentius X. Alexander VII. Clemens X. & XI. & Sacre Cardinalium Congregationes de Regularibus, quoties eadem concertationes recruduerunt, suas omnes constitutiones, decreta & judicia conformaverunt. Sed ante hos omnes Tridentina sacra Synodus sapientissime providerat sess. 5. de reform. c. 2. & sess. 23. c. 15. Præterea sess. 24. cap. 4. necnon sess. 25. cap. 3. in fine. Itemque cap. 7. & septem subsequentibus: De potestate insuper Ordinariorum super monasteriis Regularium directioni subditis, Gregorius sanctissimus Ecclesiæ Pontifex & Doctor privilegium intendens, ut ipse dicit, indulgere sanctimonialium Monasterio Maffiliensi in honorem Sancti Cassiani confectato lib. 6. epist. 12. ad Respectam Abbatissam nonnulli fancivit. Plura vero Concilium Tridentinum locis paullo ante allegatis, & diplomata Summorum Pontificum revisenda, quæ in nostra Juris Canonici Theoria & Praxi recensui.

### DISSERTATIO

## DE PRÆDESTINATIONIS,

Deque Semipelagianis Fausti libri, & de commemoratis ab eodem Arelatenſi & Lugdunensi Conciliis.

1. **Q**uod omnibus fere Hæreticis commune est, falsa comminſci, quæ perverſis dogmatibus apud incautos finem altruant, id Pelagianis & Semipelagianis maxime infedit, adeo ut pravus artibus pios & orthodoxos, addo & eruditissimos viros ludificaverint. Ipsique Augustino aliquando perſuaserint Sixti gentilis atque de Pythagoreorum secta Philosophi libellum suæ faventem hæresi opus esse Sixti Romani Pontificis Christianique martyris. Istud vero eruditioribus compertum est, & olim fuit, hæreticorum Prædestinationem sectam & nomen a solis olim Semipelagianorum Auditoribus confictum fuisse figmentum Fausto Gennadio, Pseudo-proſpero; & cum tot tantique ab Augustini ætate Sanctissimi Doctores Ecclesiæ, de lapsorum hominum libertate, deque prædestinatione, de gratiæ Christi necessitate disputaverint, & amplissimos doctissimosque commentarios adversus quoscunque in his rebus sectarios ediderint, nemo tamen illorum ullibi Prædestinationem sectæ legitur injecisse mentionem, ut dubitari minime possit, calliditate Semipelagianorum fuisse ista nuncupatione designatos omnes orthodoxos, qui cum Augustino gratiam Christi cum hominis libertate post Adami peccatum ita conciliabant, ut liberum ipsorum arbitrium peccato faucium posse negarent quidemque ipsi æternæ vitæ meritorii vel agere, vel conari, nisi gratiæ supernaturalis virtute præventum, quam Deus vel ex spontanea liberalitate peccatori largitur, vel ex mera justitia sua dare recusat. Atque inde fieri, ut quidam ex Divino æternoque proposito prædestinentur ad gloriam, alii vero in peccatis suis antecedentibus derelicti præſciantur, atque adeo, ut loquitur Augustinus, præde-

## De Prædest. & Semipel. &c.

prædestinentur ad debita peccatis ipsorum supplicia sempiterna.

2. Quia tamen Semipelagianis pro perſuaso habebant, gratiam & prædestinationem Augustinianam nequaquam posse cum arbitrii libertate stare, sed invicere fatalem quandam sive ad bonum, sive in malum necessitatem, idcirco invidiose Catholicis affingebant quædam falsissima quasi ex Augustini sententiis confectanea, eosque velut hæreticos, & humanæ libertatis profligatores sub nomine Prædestinationum infectabant. Id vero perspicue attestatur, & admonet Florus Diaconus Ecclesiæ Lugdunensis, cujus ipse nomine & mandato scribebat adversus hæreses Joannis Scoti, dicti Erigenæ, cap. 4. *Non potest (ait) inveniri toto tempore, quod fuit inter Augustinum, & nos, aliquam talem hæresim in Ecclesia existisse, nisi quod, vel nos, qui eum sectamur, istius erroris accusant.* Scripsit autem Florus anno Chr. 849. & secunda Synodus Araficana anno Chr. 529. celebrata, cujus quot sunt canones, totidem sunt fidei definitiones, non agnoscat existisse, vel extare usquam hujusmodi hæresim Prædestinationum, dum ad amoliendam istam Semipelagianorum calumniam ita decernit: *Aliquos Divina potestate ad malum prædestinatos esse non solum non credimus, sed etiam si sint, qui tantum malum credere velint, cum omni detestatione illis anathema dicimus.* Et tamen ejusdem Synodi canones nihil ita inculcant & urgent, ut necessitatem præventiæ gratiæ DEI ad salutem, & ad quodcumque bonum opus. Ejus inquam gratiæ, quæ nemini debeatur, sed ex sola Dei miseratione, proposito, & electione singulari ortum ducat.

3. Possent aliqui suspicari, hoc genus erroris aliquorum ex Atrametino in Byzacena Provincia Monasterio mentibus infedisse, postquam Felix ejusdem instituti monachus fratribus communicavit transcriptam Augustini ad Sixtum Romanæ Ecclesiæ Presbyterum Epistolam, (ea porro est inter Augustinianas epistolam numero 105.) in qua gratiam Christi probat esse gratuitam, neque ex hominum meritis dari, neque justorum electionem ex prævisis meritis oriri. Et nihilominus inexcusabiles omnes infideles, ipsosque infantes docet, quicumque sine baptismo vita exceſſerunt. His perſectis aliorum animos perturbatio inſaſit: indeque inter fratres coorta est dissensio, cujus extinguendæ gratia duo Atrametini monachi Cresconius & Felix (diversus ab illo Felice, qui transcriptam illam Augustini ad Sixtum epistolam ad fratres perulerat) profecti ad Augustinum, ejus dissensionis remedium, & quidnam de gravibus illis difficultatibus sentiendum esset, expetiverunt. Hac occasione scripsit Augustinus ad Monasterii Atrametini præfectum Valentium epist. 46. in qua refert sibi a prædictis fratribus relatum natam fuisse in monasterio dissensionem: dicentibus nonnullis fratribus, gratiam solum ad salutem absque humana libertate conferri: aliis vero bonam voluntatem humanæ libertati, sine qua nemo bonum aut malum operatur, ascribentibus. Istaque occasione scripsit eodem tempore Sanctus Doctor librum de gratiæ & libero arbitrio ad Valentium & Monachos ejus, in cujus primo capite hæc ait: *Quoniam sunt quidam, qui liberum hominis arbitrium sic prædicant.* Valentius hoc recepto & perſecto inter monachos Augustini tractatu, gratulatoriam scripsit ad ipsum epistolam, (quæ inter Augustinianas ducentesimo quinquagesimo sexta collocatur) mistique, qui eam deferret, Florum monachum, admonens Augustinum accepto ejus libello fratres omnes conquirentes, & unanimes ejus acquieſſe doctrinæ: Quia vero didicit a Floro Augustinus, fuisse quendam, qui dicebat, prescriptionibus nihil relinquere loci, hoc posito, quod libertas humana, quam Dei gratia non prævenit, aut adjuverit, sit omnis bonæ operationis & cogitationis incapax, alterum scripsit ad eandem fraternitatem luculentum tractatum de correptione & gratiæ. Utriusque tractatus causam & argumentum idem perhibet Augustinus lib. 2. retradationum in fine. Nam c. penult. *Priorem, ait, scripsisse tractatum de gratiæ & libero arbitrio, propter eos, qui quum defenditur DEI gratiæ, putantes negari liberum arbitrium sic ipsi defendunt liberum arbitrium, ut negent DEI gratiam, afferentes eam secundum merita nostra dari: scripsi alterum librum, quem de correptione & gratiæ prænotavi, cum mihi renuntiatum esset, dixisse quendam, ibi nomen: corripiendum, si Dei præcepta non facit, sed pro illo, ut faciat, tantummodo orandum.* Haud gravate concesserim, ex Atrametinis Monachis fuisse nonnullos, qui mentem Augustini non capientes, liberum in bonis operibus arbitrium, aut eleverant, aut proſus submoverent, ut gratiam Dei stabilirent: veruntamen idem, postquam majori perspicuitate Augustinus rem illam elucidavit, aliter sentire ceperunt, neque ullius hæresis insinulari possunt, quæ non ex pertinacia adversus Ecclesiam, sed ex inculpabili abſtultissimæ & difficillimæ

questionis ignorantia, brevi tempore aberrarunt a veri cognitione, neque sectam ullam introduxerunt, neque ista de causa quisquam veterum Monachos istos dixit aut hæreticos, aut Prædestinatianos.

4. Ediderat Prosper Sancti Augustini ejusque doctrinæ studiosissimus assertor Chronicon, quod adhuc fidelium manibus teritur. At Pelagianis, quibus illud statim apprimè convenit: *Posuimus mendaciam spem nostram, & mendaciam protèſi sumus*, sive in despectum adversarii sui Prosperi, sive sperantes fore, ut genuinum ac germanum ejus Chronicon alterius scititii suppositione aboleretur, cui tamen auctoritas ex eminentio tanti viri nomine conciliaretur, alterum Chronicon edidit, cui præfixere ipsius Prosperi nomen, desinitque in idem cum altero tempus, scilicet ad annum Theodosii Junioris XVIII. & Albini Consulatum, qui censetur Christianæ epochæ quadringentesimus quadragessimus quartus. Hic autem Pseudoproſper non modo Cassianum laudibus effert Semipelagianorum Antefignanum, sed etiam Augustinum ejusque discipulos hæreticos accenset, quos vocat Prædestinatianos, dicens: *Prædestinationum hæresis, quæ ab Augustino accepisse dicitur inſitum, his temporibus serpere exorſa est.* Itam loquendi audeciam post sæcula novem Sigibertus nonnulli moderari voluit ad annum 414. ut Prosper dicere deberet non ab Augustino, sed ab Augustini libris male intellectis, & cum ista correptione editum est a Pithæo Prosperi Chronicon illud supposititium, cum tamen in omnibus anterioribus editionibus, & omnibus, quæ reperi potuerunt, manuscriptis, ubique legatur ab Augustino, nulli vero ab Augustini libris male intellectis, quod etiam Sirmondus fatetur.

5. Alter de Prædestinatiana hæresi testis profertur Semipelagianus ipse Gennadius Maffiliensis Presbyter & Cassiani discipulus. Hujus supersunt præcipui duo libri, scilicet de dogmatibus Ecclesiasticis, liber Pelagiana fuligine foedatus, ad incautorum hominum fraudem Augustini nomine venditatus; & alterum volumen illustrium Scriptorum catalogum inscriptum, in quo magnis illis Pelagianorum adversariis virulenter obſectat, Augustino, Hieronymo, Prospero, atque ex adverso Pelagianos laudibus extollit iustitias, Rufinum, Cassianum, Faustum. Augustinum fugillat mendacii ex multiloquio, additque sinceritatem illi desuisse, ut in ceteris ejus disputationibus, sic etiam in questione de mortuorum resurrectione, eumque in disputando sic errasse dicit, ut tamen nondum fuerit hæresis condemnatus. Idem Hieronymum Rufini obſectatorem vocat, & amulationis stimulo incitatum, ad obloquendum vertisse stylum asserit. De Prospero ita scribit: *Vedi librum adversus opuscula, (suppressis Cassiani & Vincentii nominibus) quæ (opuscula) Ecclesia Dei probat, sed ille infamat nociva.* Fausi eadem cum Cassiano & Vincentio fuligine tincti librum de Gratia Dei dicit opus egregium, librique auctorem egregii Doctoris elogio cohonestat. Idem pariter Gennadius indiculum de hæresibus conscripsit, in cujus calce, notat Prædestinatianos, iisque eadem dogmata ascribit, quæ Semipelagianis Maffilienses apud Prosperum in objectionibus Gallorum & in Vincentianis invidiose Augustino affingunt, ejusque discipulis præventis gratiæ necessitatis, absolutæque ex divino proposito prædestinationis assertoribus. Quocirca sapienter Dionysius Petavius tom. 1. de Theol. dogmat. lib. 9. cap. 2. fidem facit in illo Gennadii indiculo, nonnulla referri prædestinatiorum capita quasi hæreses, quæ majori ex parte Augustini doctrinam sapienter, nisi quod ad invidiam illis simul & Augustino faciendam calumniose concepta sunt. Itaque Gennadius ipsemet hæreticus Catholicos ipsos in hæreticorum alium sub prædestinatiorum appellatione odiosa referre non erubuit.

6. Superest ut Faustum a Gennadio ejusdem affecta commendatum dispiciamus. Fausus id quod a Magistro & Doctore suo Cassiano didicerat, cumulate docendo & scribendo præstitit. Docet Cassianus collat. 17. c. 17. licitum esse absolute mentiri ad bonum finem. Nec id solum, sed præterea salutem animæ plerumque necessarium esse mentiri, ita ut ex mendacioso sapienter homo justificetur apud Deum; nec raro eveniat, ut penam mereatur æternam eo quod mentiri opportune noluerit. Fausus hac intentione propagandæ suæ sectæ mendaciorum portenta comminſci ac effingere non est veritus; quæ causa est, ut jure merito sidoruz lib. de viris illustrib. c. 14. virum illum notet profundæ calliditatis, & Baronius virum dicat vasti consilii, & vulpeculam verſipellem, duobus ab illo confictis libris Semipelagianæ hæresi aspersis de gratiæ & libero arbitrio, quos Gelafius Pontifex in Romano septuaginta Episcoporum Concilio, & post Gelafium Hormifida quoque Pontifex in suo ad Possessorem Africanum Episcopum scripto damnarunt, quos etiam contrariis scriptis libris impugnarunt.